

**Tɔnɔ kulu**  
**ZAN**  
**na pɔpɔni o ki bitɔ tun**  
**Tɔnɔ kulu Zan na pɔpɔni o**  
**ki bitɔ tun na bri dɔbam kulu**  
**tun mu tuntu**

Zezi kɔgɔ kum nakwi Zan daa ta mu pɔpɔni tɔnɔ kuntu o pa nɔɔnɔ wɔdonɔ o yiri mu Gayusi.

O pɔpɔni o tee Gayusi di o na tɔgi We cɔga kam yi o zɛni We nɔɔna badonnɔ te tun nɔwani mu.

Zan ma daari o ta nɔɔnɔ wɔdonɔ taani o yiri mu Diyotrefi o wi, o wɔ ki lanyirani di o na wɔ jonɔi wɔm taani yi o wɔ jeeri We nɔɔna bam lanyirani tun.

O daa ta ma daari o tee nɔɔnɔ wɔdonɔ o yiri na yi Demetrisi, wuntu yi nɔn-nɔm mu nɔɔna maama yigɔ ni.

Tɔnɔ kuntu bri dɔbam si di yi lwani nɔn-balwaarɔ kikiɔ, si di taá ki lanyirani di tɔgi We cɔga kam di sono, di di na wó jeeri di ko-biɔ lanyirani te tun.

<sup>1</sup> Amu wɔlu na yi Zezi kɔgɔ kum nakwi tun mu pɔpɔni tɔnɔ kuntu a pa a cilɔn-sono Gayusi. Amu soe nmɔ cɔga cɔga.

<sup>2</sup> A cilɔn-sono, We wó ki-m lanyirani wonɔ maama wɔni. A loori We mu a pa nmɔ, si n yira taa jigɔ yazurɔ, ni n bicari na tɔgi We cwɛnɔ kam lanyirani te tun. <sup>3</sup> Dí ko-biɔ badaara tu ba ta nmɔ taani, yi ku pa a tiini a na wɔpolo di a

na lwarı nı n tođı cıga cwəŋə kam lanyıranı tın. A nan ye nı n sıunı n tođı cıga kam kuntu mu. <sup>4</sup> Kulukulu tərə ku na wú wanı ku pa a ja wupolo ku dwəni a na lwarı nı a biə bam sıunı ba tođı cıga cwəŋə kam tın.

<sup>5</sup> A cilon-sono, nmı kı lanyıranı dı n na yəni n zəni dı ko-biə bam te tın, dı ku na maŋı ku yı vərə dı. <sup>6</sup> Dı ko-biə bam tađı Zezi kəgə kum yigə nı nmı na kı-ba lanyıranı te tın. Ku lana sı n ta n wəli-ba ba cwəŋə kam vəŋə wunı, sı ku maŋı dı Wε wubıŋa na lađı te tın. <sup>7</sup> Beŋwaanı nɔɔna bam kuntu nuŋı sı ba tɔɔlı Zezi Krisi kwər-ywəŋə kam mu. Ba nan ba joni kulukulu balı na ba tođı Zezi cıga kam tın jıŋa nı. <sup>8</sup> Kuntu ŋwaanı ku maŋı sı dıbam mu zəni nɔɔna bam kuntu dwi sı ba wanı ba tıŋı, sı ku brı nı dıbam dı tođı dı tıŋı Wε cıga kam ŋwaanı.

<sup>9</sup> Amı deen pıpıunı tɔnɔ a pa abam Zezi kəgə kum. Diyotrefı wulu nan na lađı sı o taa yı á yigə tu tın ba lađı sı o joni kulu dıbam na te tın. <sup>10</sup> Kuntu ŋwaanı, a na tu abam te, aá ta wə-balwaarı tılu maama o na kı tın á maama yigə nı jaja. Wuntu yəni o ŋɔɔnı ta-balwaarı mu o paı dıbam. Kuntu nan ta ba poli o wı. Kulu na wəli da tın, o yəni o ba se sı o jeeri dı ko-biə bam lanyıranı, yı o daarı o cəŋı balı na lađı sı ba jeeri-ba lanyıranı tın dı, yı o ta zəli-ba Zezi kəgə kum wunı.

<sup>11</sup> A cilon-sono, yı se n lwəni nɔn-balwaarı kikiə, nmı za n kwaanı n ta n kı lanyıranı. Wulu maama na kı lanyıranı tın yı Wε nɔɔnu mu. Wulu nan na kı kəm-balwaarı tın ta wı lwarı

Wε. <sup>12</sup> Kυ nan na yι Demetrisi, nɔɔna maama tε o na yι nɔn-ηυm te tɪn, yι o na tɔgɪ cɪga kam te tɪn dɪ brɪ nɪ o yι nɔn-ηυm mυ. Dɪbam dɪ nan brɪ nɪ kυ yι cɪga mυ, yι abam ye nɪ dɪ na tε kυlυ tɪn sɪnɪ kυ yι cɪga mυ.

<sup>13</sup> A ya jɪgɪ wəənu zanzan sɪ a ta a brɪ abam. A nan ba lagɪ sɪ a pɪpɪnɪ a kɪ tɔnɔ nɪ. <sup>14</sup> A nan bɪnɪ sɪ aá ba abam te lele, sɪ dɪ laan ηɔɔnɪ daanɪ jaja.

<sup>15</sup> Wε wó pa-m yazurə.

Nmυ cillonə balυ na wυ yo seeni tɪn maama jɔɔnɪ nmυ. N dɪ jɔɔnɪ dɪ cillonə bam dɪdɪba dɪdɪba ba na wυ nmυ tee nɪ tɪn n pa dɪbam.

## **Wε Tɔno dɪ kasum**

### **Kasem (Kassem): Wε Tɔno dɪ kasum New Testament**

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 22 Feb 2024 from source files dated 29 Jan 2022

993cfae5-b100-5981-87e7-5a648d773cb9